



## Universitätsbibliothek Paderborn

**Decretvm Vt omnes Regularium Superiores suos subditos,  
& Religiosos persaepe commoneant de iniuncta omnibus  
obseruantia, & executione Apostolicarum Constitutionum,  
& Decretorum ad Officium ...**

**Urban <VIII., Papst>**

**[Romae], 1645**

Decretum fel. rec. Clementis Papa Octaui, super casum, reseruatione ab omnibus Regularium Superioribus obseruandum.

**urn:nbn:de:hbz:466:1-10826**

*Decretum fel. rec. Clementis Papa Octavi, super ca-  
sum, reseruatione ab omnibus Regularium Su-  
perioribus obseruandum.*

**S**anctissimus Dominus noster, qui iam pridem  
accuratè perpendit, ac re ipsa comiperit, quod  
reseruatio facultatis absoluendi Religiosos pœni-  
tentes à peccatis quibusdam grauioribus, nisi Su-  
periores admodum prudenter, ac moderate illa-  
vtantur, nonnullos infirmiores, qui interdum Su-  
periori suo conscientiæ maculas detegere formi-  
dant, adducere posset in æternæ damnationis peri-  
culum, & spiritualis remedij desperationem; Ideo,  
vt huic malo Sanctitas sua opportunè prospiceret,  
decreuit, vt nemo ex Regulariū Superioribus pec-  
catorum absolutiones sibi reseruet, exceptis ijs,  
quæ sequuntur, aut omnibus, aut eorum aliquot,  
prout subditorum vtilitati expedire prudenter in  
Domino iudicauerint.

*Veneficia, Incantationes, Sortilegia.*

Apostasia à Religione, siue habitu dimisso, siue  
retento, quando eo peruerterit, vt extra septa Mo-  
nasterij, seu Conuentus fiat egressio: Nocturna, ac  
furtiua Monasterio, seu Conuentu egressio, etiam  
non animo apostatandi facta.

Proprietas contra votum paupertatis, quæ sit  
peccatum mortale. Iuramentum falsum in iudicio  
regulari, seu legitimo.

Procuratio, auxilium, seu consilium ad abortum  
faciendum post animatum fœtum, etiam effectu  
non sequuto.

Fal-

Falsificatio manus, aut sigilli Officialium Monasterij, aut Conuentus. Furtum de rebus Monasterij, seu Conuentus in ea quantitate, quæ sit peccatum mortale.

Lapsus carnis voluntarius opere consummatus.

Occisio, aut vulneratio, seu grauis percussio cuiusque personæ.

Malitiosum impedimentum, aut retardatio, aut aperitio litterarum à Superioribus ad inferiores, & ab inferioribus ad Superiores.

Si quod aliud præterea peccatum graue pro Religionis conseruatione, aut pro conscientiæ puritate reseruandum videbitur, id non aliter fiat quam Generalis Capituli in toto ordine, aut Provincialis in Provincia, matura discussione, & consensu.

Non liceat Superioribus Regularium, confessiones subditorum audire, nisi quando peccatum aliquod reseruatum admiserint, aut ipse met subditus sponte, ac proprio motu id ab ijs perierint.

Superiores in singulis domibus deputent duos, tres, aut plures Confessarios, pro subditorum numero maiori, vel minori, ijq. sint docti, prudentes ac charitate prædicti, qui à non reseruatis eos absolvant, & quibus etiam reseruatorum absolutio committatur, quādo casus occurrerit, in quo eam debere committi ipse in primis Confessarius iudicauerit.

Tam Superiores pro tempore existentes, quam Confessarij, qui ad superioritatis gradum fuerint promoti, caueant diligentissimè, ne ea notitia, quam de aliorum peccatis in confessione habue-

runt, ad exteriorem gubernationem utantur.

Licebit tamen Superioribus determinare poenitentias graues quibusdam peccatis, etiam non reseruatis, à Confessarijs imponendas, quæ subditos ab huiusmodi perpetrandis cohibere possint.

Atque ita per quoscunque Regularium Superiores, quicunque illi sunt, obseruari mandauit. Non obstantibus Constitutionibus, & ordinationibus Apostolicis, ac cuiusvis Concilij, & etiam generalis Decretis, necnon consuetudinibus, etiam ab immemorabili tempore obseruatis, aut Regulis in generalibus, seu prouincialibus Capitulis editis, statutis, & Constitutionibus etiā Apostolica auctoritate confirmatis, priuilegijs, indultis, & concessionibus quorumcunque; quorum tenores hic pro expressis haberi voluit, ceterisq. in contrarium facientibus quibuscunque. Dat. Romæ apud Sanctum Petrum die 26. Maij, anno Domini 1593.

Sanctitas Sua deinceps declarauit & declarat, ut si huiusmodi Regularium Confessarijs casus aliquius reseruati facultatem potentibus Superior dare noluerit, possint nihilominus Confessarij illa vice penitentes Regulares, etiam non obtenta à Superiori facultate, absoluere.

*Formula concedendi facultatem pro Novitijs ad regularem habitum recipiendis in Monasterijs,  
& locis designatis.*

**S**anctissimus in Christo Pater, & D. N. D. Clemens Divina prouidentia Papa Octauns, cum re-